


# Talo Iyo Talaal



# Qirasho

Buugan waxaa suurta galiiyay kooxda cilmi baarayaasha ee Guddiga Caafimaadka ee Soomaalida [Somali Health Board] Diktoreesa Anisa Ibrahim, MD, Ahmed Abdille Ali PharmD, Farah Mohamed, MPH, MSW. Mashruucan waxaa maal galiiyay Group Health Foundation. Jaantuska buugan waxaa sameeyay Isabelle Celentano.

Waxaan jeclaan lahayn in aan u mahad celino dadkan hoos ku xusan oo xaqijiyay sax ahaanshaha macluumaadka buuga kujiro bixiyayna jawaab celin.

- Asli Ashkir, MPH, PHN, RN
- Meredith Li-Vollmer, Risk Communication Specialist – Public Health Seattle & King County



**GROUP HEALTH  
FOUNDATION**

Guddiga Caafimaadka Soomaalida [Somali Health Board] waa hay'ad ka kooban xirfadlayaal caafimaad lana shaqeeyo hogaamiyaasha bulshada, nidaamka caafimaadka iyo daryeel bixiyaasha si ay u hormariyaan natiijooyinka wanaagsan ee caafimaadka bulshada Soomaalida ee kunool King County.

Dhamaan xuquuqda buugan waa la dhowray. Buugan lama badin karo ama qaybin karo iyadoon ogalaansho qoraal ah laga helin Farah Mohamed, MPH, MSW, Ahmed Abdille, PharmD, iyo Anisa Ibrahim, MD.

MUQAAALKA  
KOWAAD

Xaliima waxay hadda ka soo laabatay booqashada rugta caafimaadka halkaas oo cunugeeda la siiyey tallaal. Waxay la kulmaysaa saaxiibteed Sadiya si ay u wada tukadaan.




Soomaliya caruurta wa ay fiicnaayeen tallaal la'aan, maxay tahay sababta ay marwalba inoogu riixayaan inan tallaalno halkan?



Waa arin xiise leh in aad sidaa tiraahdid. Ma arki karaa gacantaada bidix? Ma leedahay calaamad ballaaran oo wareeg ah?

Haa...



Sadiya, nabarkaasi waa tallaalka qaaxada! Kudhawaad qof kasta oo Soomaali ah ayaa qaataj tallaalkii Soomaaliya.



Hallo diktoresa Anisa, tani waa mama Halima. Halkan waxaan la joogaa Sadiya waxaanna ka doodeynaa tallaalada. Maanta, miyaad na siin kartaa daqiiqado yar oo waqtigaaga ah?

Dabcan, waan ku faraxsanahay inaan idin siiyo waqtigayga. Halkee ayaan ka biloownaa?

Marka hore, ma u sheegi kartaa tallaalada waxa ay qabtaan?

Waxaan kula wadaagi macluumaad dheeraad ah oo kusaabsan sida tallaaladu u shaqeeyaan. Tallaaladu waxay caawiyaan horumarka difaaca jirka iyagoo iska dhigaayo infekshan, balse cudur ma sababaan.

Badalkeed, waxay ku sameeyaan difaaca jirka in uu u jawaabo sida iyada oo infekshan rasmi ah soo wajahay si jirka mustaqbalka u dareemo una dagaalamo cudurada tallalka looga hortagi karo.

Mararka qaar, marka aad qaadatid tallaal, tallalku wuxuu sababi karaa xanuno yar sida kandho oo kale. Xanuunadaasi yar waa iska caadi waana la filan karaa si difaaca jirka u kordho.

Haa, waan fahmay balse sidee ayey wax lagugu duraayo jirkaaga u difaaci karaan?

Waa kahortag!



Haa taasi waa sax. Waa sida askar loo tababarayo dagaal oo kale. Tallaaladu waxay tababaraan jirkaaga si ay uu ula dagaallamo cudurka dhabta ah iyaga oo iska dhigaayo cudurka.



Waa kuwee cuduradaan?  
Ma cuduro cusub baa?

Maya.Waad maqashay cuduradaas badankood. Waxaa ka mid ah jadeecada, dabaysha. xiiqdheerta, tetano, iyo kuwa kale.

Dhab ahaantii?! Waxaan u maleynaayey in ay yihiiin cuduro cusub oo aan kula kulannay un Ameerika.



Ma ogayn iney yihiiin isla  
cuduradii aan Afrika ku aragnay.



Waan isku dayay inaan  
u sheego! Waxa kaliya  
ee aanan ogayn waxay  
tahay sababta aan u  
siino waqtii hore.



Waa su'aal wanaagsan.  
Tallaalka waxaan u siinnaa  
caruurta marka aay ugu  
Khatar badan yihiiin iyo  
marka difaaca jirkooda  
uusan aad u xoog badnayn.

Waad ku mahadsantahay  
caawinaadaada diktoresa  
Anisa.



Waxaan rajaynayaan inaan ka  
jawaabay dhamaan su'aalihiina.  
Fadlan soo waca rugta caafimaadka  
mar kasta oo aad su'aal qabtaan.

MUQAAALKA  
LABAAD

Hal maalin kadib markii ay diktoresa Anisa la hadashay, Sadiya waxay keentay wiilkeeda hal sano jirka ah, Sharmarke rugta caafimaad si loo hubiyo caafimaadka guud.





Shan Tallaal? Soo badno? Wiilkeeyga aad buu u yaryahay in uu qaato 5 tallaal hal mar.



Run ahaantii, waa badbaado hadii dhammaan la siiyo manta. Waxyeelo kama soo gaarayso ilmaha haddii tallaalada wadajir loo siiyo.



Miyuu ku jiraa midka caruurta hadalka ku celiya? Wuxaan ula jeedaa midka saddexda xarafka ah MMQ? Ama MMG?

Ma waxaad ula jeedaa MMR?

Haa, waa kaas. Dadkoo idil kaas weey iska ilaaliyaan.

MMR-ka lalama xiriirin wax  
cudur ah oo hadalka ama  
korriinka badala. Waa tallaal  
muddo badan soo jiray,  
badbaado ah oona wax tar leh.



Waxaan u yeerayaa diktoreesa.  
Anisa si ay kaaga jawaabto  
wixii su'aalo dheeraad ah ee  
kusaabsan gaar ahaan  
tallaalkan.



Wax su'aalo dheeraad ah ama  
walwal ah miyaad qabtaa manta?

Maya waad  
mahadsantahay,  
hadda waxaan  
sugayaa  
Dhakhtaradda.



Diktoreesa Anisa weey imaanaysa kol  
dhow. Anna inta ka horreeysa  
Sharmarke ayaan sii miisaamayaa.



Salaam caleykum. Sacdiya,  
waan ku faraxsanahay  
inaan idin arko adiga iyo  
Sharmarke. Fiiri  
Sharmarke. aad buu u  
koray illaa markii iigu  
dambeeysay een arko.

Waxaan maqlay in aad  
su'aalo ka qabto tallaalka?



Haa, waad ku  
mahadsantahay in aad  
taleefoonka iga  
qabatay maalin hore  
aadna iiga jawaabtay  
su'aalahayga.

Haa dabcan, waxaan halkan  
u joogaa inaan ka jawaabo  
su'aal kasta oo aad qabtid.




Waa inaan daacad u  
hadlo, walwalkayga  
kaliya waa tallaalka  
MMRka. Wax yar  
ayaan walwalsanahay.  
Iyo sababta tallaalada  
badan hal mar loo  
jada siinayo?

Waan fahmi karaa welwelkaaga hadda. Balse waa ammaan in tallaalandan oo idil isku mar la siiyo. Waan wada siinaa tallaalandan marka ay intaan le'egyihii sababtoo ah caruurta waxay u baahan yihii difaaca cuduradaan.


Sharmarke wuxuu la kulmaa jeermisyo badan marka uu ku taabto gacmahiisa afka kadib markuu kusoo ciyaaro goobta ciyarta.

Alla! Sidaasi uma ogayn. Waxeey iila muuqataa uun cirbado aad u badan oo ilma la siinaayo.

Waan ogahay in ay adagtahay in aad daawato ilmhaaga oo la xanuunsanaya tallaal la siinaayo. Balse waa xanuun kooban oo markiiba dhamaanaya marka loo eego faa'iidada ku jirta oo ah inuu difaac u noqdo ilmahaaga muddo



Okey, taas hadda waan fahmay. Balse weli ma doonayo in tallaalka MMRka la siyo. Ma doonayo in ilmahayga la siiyo waxyeelo wax u keenaayo.



Kulligeenba waxaan la rabnaa ilmaheena waxa ugu wanaagsan hadafkaas na waan kula wadaagaa.

Waxaa jira daraasado badan oo muuiiyay in MMRku yahay ammaan, aanan lala xiriirrin hadalka soo daaha ama otisimka.



Kolka, Maxay kula tahay?

MUQAAALKA  
SADDEXAAD

Hal todobaad ka dib, Sadiya waxay shah la cabeeysaa odaygeeda iyo hooyadeed.



Todobaadkii hore waxaan siiyay Shar-marke tallaali-diisii. Waxaa la siiyay shan tallaal si fiican ayuu ugu adkaystay. Alxamdu-lilah.



Maxaad hal mar u wada siisay intaas oo tallaal ah? Miyaadan ka baqayn inuu ku xanuunsado?

Ma ogtahay, dhakhtaradda ayaa ii sheegtay inuusan ku xanuunsaneyn tallaalada. Xoogaa yar oo guduud ah ayuu cajarada ku yeeshay weeyna ka baaba'een.

Daawada ku jirta tallaalada  
dhab ahaantii ma awooddaan  
in eey xanuun kuu keenaan.



Waxay u muuqataa  
in aad ka fikirtay  
arinkan go'aan  
wanaagsanna aad  
qaadatay. Aniga  
waan kugu  
raacsanahay  
irinkan.

Hagaag. Waligaa arinkan tallaalada iimaamka ma  
warsatay? Haddii aan ba caruurteena siineeyno  
waa inaan ogaano in ay xalaal yihiin iyo in kale.



Haa, waxaan maqlay hadda ka  
hor isaga oo ka hadlaya. Balse  
hadda ayaan ba wici karnaa.

Asalamu calaykum Sheikh Ahmed Noor. Waxaan kusoo wacayaa su'aal kusaabsan tallaalada. Ma xalaal baa?



Waa Su'aal wanaagsan. Diinteenu waxay na faraysaa inaan difaacno jirkeena iyo caafimaakeena. Tallaaladu waa xalaal. Tallaal walba wuxuu leeyahay doorar badan ood dhakhtarkaaga kala sheekaysan kartid.



Waa arin wanaagsan in aan maqlo. Hooyadeey ayaan hadda u sheegay waxaana rabnay inaan hubsanno. Mahadsanid.

# Fariin Kasoxtota Gudiga Caafimaadka Ee Somali Health Board

Waalid kasta wuxuu la rabaa waxa ugu  
wanaagsan carruurtiisa iyo caafimaadkooda.  
Waxaan jeelaan lahayn in aan tabantaabinno  
dhamaan waalidiinta si ay adeegsadaan  
xuquuqdooda oo ah inay wax ka ogaadaan  
bartaan na daryeelka caafimaad ee  
carruurtooda oo ay ku jiraan tallaalada.  
Tallaalada ayaa la xaqiijiyey in ay yihiin kuwo  
ammaan ah oo shaqeeyana. Waa xuquuqdaada  
waalid ahaan in aad wadahadal la yeelato  
daryeel bixiyeyyaasha cafimaad, wax kasta oo  
ku saabsan tallalka iyo in su'aalahaaga oo idil  
lagaaga jawaabo. Ka hortaggu marwalba wuu  
ka flicanyahay daaweeeynta.

625 Strander Blvd, Suite B  
Tukwila, WA 98188  
253-277-7563  
[www.somalihealthboard.org](http://www.somalihealthboard.org)